

諸

史

考

異

諸史考異序

史之異始於左公穀昧與蔑鄒與微厥憇與屈銀君氏與君氏
履綸與裂繻此較著者特音聲之訛非若後世烏焉成馬有待
於是正者也二十一史夥矣

高宗純皇帝加明史爲廿二史又加舊唐書舊五代史爲廿四
史蓋浩如烟海矣修史者各因前人之實錄一事而先後不同
一人而彼此各別所見異詞所聞異詞所傳聞又異詞此攷異
之不可少也鄉先達筠軒先生著述之暇作諸史攷異始三國
志終南北史都爲十八卷於前人一字之謬一句之譌皆旁通
曲引而辨正之洵有功於列史亦可見先生無書不覽無擇不
精矣霖不獲親炙門牆而於先生開示後學之意亦略有微會

焉竊嘗於南北史之外約記所疑資治通鑑尊武氏黜中宗朱子綱目自唐武德八年至天祐季年甲子皆差此其大者不待論且如宋史載周傑卜易遇比之復東都事略則云比之豐通鑑及歐陽史皆云唐莊宗時洛陽令何澤歷官太常卿陸務觀則云青海軍從事通鑑載徐知誥改吳天祐三年爲昇元元年國號唐而陸游南唐書云國號齊宋齊邱爲太保兼中書令而馬令南唐書云左丞相都虞候嚴恩五代史作嚴思馬合作嚴思禮淮南州將王仁謙五代史作王仁謙諸如此類野史與正史異正史與正史又異豈徒如晉書所紀慕容之誤步搖通典所稱但馬妄云誕馬僅在聲音點畫已也霖於乙巳歲館先生家課其令孫粵在秋間小筠參軍出其搨本錢王鐵券文以示

中有云未足顧功而別本俱作未足顯功此目所親見亦如先生所謂分土介土之訛有比干墓碑可證者又不待攷而知也嗟乎予生也晚秉質愚魯不克多記誦家又無藏書所得管窺之見欲以就正前輩而先生歸道山已十餘年矣雖無老成人尙有典型能無撫遺編而流連不置哉同里後學程霖謹識

國史成於眾手其謬舛固所不免厥後纂帙浩繁校刊匪易繫
轉改變譌謬滋多嘉定錢氏大昕撰廿二史攷異參互攷校精
審不苟余向亦畱心史學史記兩漢三史間有所見已載入讀
書叢錄中戊子冬杪自粵歸里寒廬多暇復取三國志以迄南
北史條其異同辨其得失成諸史攷異十八卷撲塵掃葉聊補
錢氏之闕海內倘有好學深思之士普粹羣本擇善而從刊一
定本斯亦不朽之盛業也道光十六年太歲丙申八月七日臨
海洪頤煊撰時年七十有二

諸史考異目錄

卷一 三國志

卷二 晉書上

卷三 晉書下

卷四 宋書上

卷五 宋書下

卷六 南齊書

卷七 梁書

卷八 陳書

卷九 魏書上

卷十 魏書下

卷十一 北齊書

卷十二 周書

卷十三 隋書上

卷十四 隋書下

卷十五 南史上

卷十六 南史下

卷十七 北史上

卷十八 北史下

諸史考異卷一

臨海洪頤煊撰

三國志

夏侯氏

魏書武帝紀養子嵩嗣莫能審其生出本末注吳人作曹瞞傳及郭班世語並云嵩夏侯氏之子夏侯惇之叔父太祖於惇爲從父兄弟顧煊案承祚敘夏侯列傳於諸曹之前亦同此說

濟南相

光和末討潁川賊遷濟南相顧煊案後漢書獻帝紀建安十三年冬十月乙巳黃巾賊殺濟南王賛注河間孝王五代孫

東武陽

初平二年袁紹因表太祖爲東郡太守治東武陽頤煊案續漢志東郡治濮陽時王肱爲東郡太守故太祖治東武陽滅洪傳袁紹使洪領青州徙爲東郡太守治東武陽在太祖後

利城郡

建安三年分琅邪東海北海爲城陽利城昌慮郡頤煊案續漢志注魏氏春秋曰初平三年分琅邪東海爲城陽新城昌慮郡以滅霸呂虔傳證之則作新城者誤也利城本縣名屬東海郡

小沛

四年劉備至下邳遂殺徐州刺史車胄舉兵屯沛先主傳先主乃殺徐州刺史車胄畱關羽守下邳而身還小沛頤煊案續漢志沛國有沛縣時人稱小沛以別於沛國志凡稱小沛者皆據

流俗所稱加之

兩劉岱

遺劉岱王忠擊之不克注魏武故事曰岱字公山沛國人以司空長史從征伐有功封列侯頤煊案初平元年兗州刺史劉岱注岱劉繇之兄見吳志與此別是一人而同字公山

李堪

十六年遂與韓遂楊秋李堪成宜等叛頤煊案太平御覽卷九十三引作李堪下文斬成宜李堪等堪字傳寫之謬李堪河東人見張魯傳注

漢寧郡

二十年三月公西征張魯七月魯潰奔巴中公軍入南鄭復漢

漢書卷一
靈郡爲漢中頤煊案張魯傳魯據巴漢垂三十年漢末力不能
征遂就寵魯爲鎮民中郎將領漢靈太守是張魯據漢中改漢
中爲漢靈是年魯平復改漢靈爲漢中續漢志注袁山松書曰
建安二十年復置漢靈郡非也

饒安縣

文帝紀元年夏四月丁巳饒安縣言白雉見注魏書曰賜饒安
田租渤海郡百戶牛酒人酺三日頤煊案漢書地理志渤海郡
千童縣應劭曰靈帝改曰饒安東京渤海郡省千童靈帝時始
改立饒安故續漢志不載

陽平郡

黃初二年正月以魏郡東部爲陽平郡頤煊案樂進傳陽平衛

國人也以膽烈從太祖爲帳下吏遣還本郡募兵得千餘人司馬芝傳太祖從其議歷甘陵沛陽平太守黃初中入爲河南尹陽平置郡當在此年之前

穀梁博士

五年置春秋穀梁博士頤煊案後漢書儒林傳序光武中興立十四博士春秋嚴顏皆公羊學也建初中又詔高才生受古文尚書毛詩穀梁左氏春秋雖不立學官然皆擢高第至是始立春秋穀梁博士

天水郡

明帝紀太和二年諸葛亮寇邊天水南安安定三郡吏民叛應亮頤煊案文帝紀延康元年七月武都氐王楊僕率種人內附

居漢陽郡張既傳太祖徙民以充河北龍西天水南安民相恐
勤既假三郡人爲將吏者休課使治屋宅民心遂安漢陽之復
爲天水郡當在文帝初年間

陸議

太和二年九月曹休率諸軍至皖與吳將陸議戰於石亭敗績
頤煊案吳主傳作陸遜陸遜傳本名議志或稱陸遜或稱陸議
亦史之駁文

伍瓊伍孚

董卓傳以爲裴瓊等通情賣己皆斬之注英雄記曰瓊字德瑜
汝南人謝承書伍孚字德瑜遷越騎校尉挾佩刀見卓卓送至
閭中孚因出刀刺之卓多力退卻不中遂殺孚謝承記孚字及

本郡則與瓊同而致死事乃與孚異也不知孚爲瓊之別名爲
別有伍孚也蓋未詳之頤煊案後漢書董卓傳卓怒曰此二君
賣卓卓何用相負遂斬瓊珌下文乃言越騎校尉汝南伍孚刺
卓見殺事伍瓊伍孚當是二人荀攸傳謀刺卓作越騎校尉伍
瓊非傳寫謬卽紀述誤也

糾合義兵

臧洪傳洪乃升壇操槃歃血而盟曰兗州刺史岱豫州刺史仙
陳雷太守邈東郡太守瑁廣陵太守超等糾合義兵並赴國難
注臣松之案於時此盟止有劉岱等五人而已魏氏春秋橫內
劉表等數人皆非事實頤煊案武帝紀此盟後有將軍袁術冀
州牧韓馥河內太守王匡渤海太守袁紹山陽太守袁遺濟北

相鮑信而無廣陵太守張超與此不同

朗陵令

荀或傳祖父淑字季和朗陵令注續漢書淑爲朗陵侯相張璠漢紀出補朗陵侯相頤煊案下文注荀氏家傳悅朗陵長儉之少子儉卽淑子田豫傳太祖召除朗陵令其時朗陵侯國已廢爲縣故稱朗陵令後漢書荀或傳亦作朗陵令淑之孫也

鄆城

豫州刺史郭貢謂鄆城未易攻後漢書荀或傳操東擊陶謙使或守鄆城注縣名屬濟陰郡今濮州縣也甄今作鄆音絹頤煊案春秋左氏莊公十四年會於鄆注鄆衛地今東郡鄆城也釋文云甄城音絹或作鄆古字通用

韓莫

荀攸傳紹連車旦暮至其將韓莫銳而輕敵擊可破也注臣松之案諸書韓莫或作韓猛或云韓若未詳孰是頤煊案字書無莫字曹仁傳紹別遣將韓荀鈔斷西道莫卽荀字異文

北平郡治

田疇傳舊北平郡治在平岡道出盧龍達於柳城自建武以來陷壞斷絕垂二百載而尙有微徑可從頤煊案後漢右北平郡治土垠前漢右北平郡平岡第一縣此當是前漢舊治可證閻百詩謂西漢郡治不在第一縣之誤

司金中郎將

王修傳行司金中郎將錢氏大昕曰陳琳爲袁紹檄操特置發

邱中郎將摸金校尉卽謂此也頤煊案韓暨傳暨乃因長流爲水排計其利益三倍於前在職七年器用充實就加司金都尉張裔傳還爲司金中郎將典作農戰之器魏蜀皆有此官不必如陳琳所指

蘄陽

何夔傳陳郡陽夏人也袁術與橋蕤俱攻圍蘄陽蘄陽爲太祖固守術以夔彼郡人欲督令說蘄陽頤煊案後漢書袁術傳注水經注蘄水出江夏蘄春縣又南對蘄陽注於大江亦謂之蘄陽口其時蘄陽當屬陳故以夔爲彼郡人

淮南郡

劉惔傳淮南成惠人也頤煊案續漢志成惠縣屬九江郡袁術

僭號以九江太守爲淮南尹黃初二年邯鄲懷王邕封淮南公以九江郡爲國六年改封楚王彪嘉平元年彪自殺國除爲淮南郡術平後楚王未封以前亦當改爲淮南郡也

揚州刺史治所

劉馥傳太祖表爲揚州刺史馥旣受命單馬造合肥空城建立州治頤煊案續漢志九江郡歷陽刺史治孫討逆傳先是劉繇爲揚州刺史舊治在壽春此建立在合肥皆隨時所置

陽安郡

李通傳分汝南二縣以通爲陽安都尉趙儼傳袁紹招誘豫州諸軍惟陽安郡不動頤煊案武帝紀建安二十年分漢中之安陽西城爲西城郡置太守分錫上庸郡置都尉當時置郡亦有

專置都尉而不置太守者都尉兼領太守故亦得稱太守魏略曰儼與領陽安太守李通同治是時儼爲朗陵長朗陵爲陽安屬縣同治一郡之地故云然

桓道

龐德傳南安桓道人也頤煊案續漢志漢陽郡注秦州記曰中平五年分置南安郡桓道卽彌道時分屬南安郡晉書地理志南安郡桓道縣與此同

荀緯王象

常林傳梁習薦州界名士林及楊俊王凌王象荀緯太祖皆以爲縣長陳煊案荀緯見王粲傳注荀勗文章敘錄曰緯字公高少喜文學建安中召署軍謀掾魏太子庶子稍遷至散騎常侍

越騎校尉年四十二黃初四年卒王象見楊俊傳注魏略曰王象字義伯建安中與荀緯等俱爲魏太子所禮待魏有天下拜象散騎侍郎遷爲常侍封列侯受詔撰皇覽皆不言爲縣長

王翁河

孫禮傳清河平原爭界禮案圖宜屬平原界實以王翁河爲限頤煊案桓譚新論王翁使都尉孟孫往泰山告祠又云余前作王翁掌敘大夫又云王翁觀人五藏無損生人生人惡之王翁謂王莽王翁河卽王莽河元和郡縣志王莽枯河在平原縣南五里

領民

高堂隆傳憲民酉牧年七十餘舉爲計曹掾頤煊案領上當有

脫字此必鄉亭之民鄧艾傳注艾少爲襄城典農部民管輶傳利漕民郭恩呂虔傳部民景母孫皓傳西湖民景養皆是

合狐愚

王凌傳是時凌外甥令狐愚以才能爲兗州刺史屯平阿甥舅並典兵專淮南之重凌就遷爲司空頤煊案續漢志平陽屬九江郡兗州當是揚州之譌注魏書曰愚字公治本名浚此稱凌就遷者卽愚也史失於改正

江由

鄧艾傳雖守劖閣艾上言宜從陰平由邪徑經漢德陽亭趣涪出劖閣西百里太平御覽卷三百十五引作從陰平江由邪徑顧煊案下文艾自陰平道行無人之地七百餘里鑿山通道皆

攀木緣崖魚貫而進先登至江由蜀守將馬邈降鍾會傳鄧艾追姜維到陰平簡選精銳從漢德陽入江由由上當有江字

高句麗王宮

高句麗傳宮死子伯固立錢氏大昕曰後漢書宮死子遂成立遂成死子伯固立此文疑有脫誤頤煊案傳言宮死子伯固立伯固死小子伊夷模立生子名位宮伊夷模死立以爲王今句麗王宮是也其曾祖宮生能開目視今王生墮地亦能開目視人句麗呼相似爲位故名之爲位宮位宮稱宮爲曾祖伯固上不得有遂成一代

益州賊

蜀書二牧劉焉傳是時涼州逆賊馬相趙祗等於綿竹縣自號

黃巾頤煊案後漢書劉焉傳作益州賊馬相以下文破壞三郡皆在益州界證之馬相當是益州賊

劉平

先主傳試守平原令後領平原相郡民劉平素輕先主恥爲之下使客刺之頤煊案上文注典略曰平原劉子平知備有武勇時張純反叛青州被詔遣從事將兵討純過平原子平薦備於從事劉平當卽劉子平其前後不同如此

呂霸

東海昌霸反郡縣多叛曹公諸葛亮傳注漢晉春秋載亮表云曹操五攻昌霸不下頤煊案武帝紀于禁傳張遼傳臧霸傳俱作昌豨

亮見先主

諸葛亮傳時先主屯新野徐庶見先生曰諸葛孔明者臥龍也將軍豈願見之乎先主曰君與俱來庶曰此人可就見不可屈致也先主遂詣亮凡三往乃見注魏略曰劉備屯於樊城是時曹公方定河北亮知荊州次當受敵而劉表性緩不曉軍事亮乃北行見備備與亮非舊又以其年少以諸生意待之注謂聞兒異辭彼此乖背頤煊案此亮見備當是兩時事亮初見備於樊城雖以上客禮之未奇亮也迨徐庶舉薦再見備於新野始情好日密故亮亦以後見爲感激先帝不以臣卑鄙猥自枉屈三顧臣於草廬之中注云事當在建安十三年而表云爾來二十有一年矣則初見或在十二年也

石廣元

注魏略曰徐庶先名福本單家子少好任俠擊劍折節學問遂與同郡石韜相親愛初平中中州兵起乃與韜南客荊州到又與諸葛亮特相善及荊州內附孔明與劉備相隨去福與韜俱來北至黃初中韜仕歷郡守典農校尉福至右中郎將御史中丞逮太和中諸葛亮出隴右聞元直廣元仕財如此歎曰魏殊多士邪何彼二人不見用乎顧煊案元直庶字廣元韜字財與纔同明南監本廣字謠作龐汲古閣本仕字又誤乙在元上龐士元未嘗仕魏其誤甚矣

前都亭侯

馬超傳因爲前都亭侯錢氏曰前字疑衍顧煊案上文騰求還

京畿於是徵爲衛尉以超爲偏將軍封都亭侯領騰部曲先主以超爲平西將軍仍爲前都亭侯前字非衍文

南郡

霍峻傳乃以弋領永昌太守遷監軍領建寧太守還統南郡事
顧煊案南郡謂南中六郡注漢晉春秋曰弋得後主東遷之間始率六郡將守上表晉文王善之是也

建興元年

杜微傳建興二年丞相亮領益州牧與書曰主公今年始十八
顧煊案後主傳章武三年正月後主襲位於成都時年十七則
年十八當在建興元年諸葛亮傳亦云建興元年領益州牧此
作二年誤

陳元

尹默傳又專精於左氏春秋自劉歆條例鄭眾賈逵陳元方服虔注說咸略誦述頤煊案陳元方是陳紀之子不注左氏當是陳元後人誤加方字

孔子劉向卒年不同

譙周傳昔孔子七十二劉向楊雄七十一而沒頤煊案史記孔子世家孔子年七十三以魯哀公十六年四月己丑卒漢書劉向傳年七十二卒卒後十三歲而王氏代漢皆與此差一年

麻降都督治所

李恢傳章武元年麻降都督鄧方卒先主遂以恢爲麻降都督使持節領交州刺史住平夷縣頤煊案楊戲傳鄧孔山注孔山

名方隨先主入蜀選爲安遠將軍廩降都督住南昌縣章武二年卒文與此不同又馬忠傳建興十一年徵廩降都督張翼還以忠代翼故都督常駐平夷縣至忠乃移治味縣處民夷之間蓋邊郡治所本無常也

建寧郡

馬忠傳初建寧郡殺太守正昂縛太守張裔於吳錢氏云後主及張裔傳俱作益州郡攷益州郡之改名建寧在丞相亮南征以後此時不當云建寧也顧煊案後主傳建興元年先是益州郡有大姓雍闓反流太守張裔於吳據郡不賓三年丞相亮南征改益州郡爲建寧郡此所稱述在建興十一年故卽據改後郡名言之

劉邕陰化

蔣琬傳丞相亮開府辟琬爲東曹掾琬固讓劉備曰吾化龐延廖淳願煊案楊戲傳輔臣贊注劉南和名邕義陽人也隨先主入蜀益州既定爲江陽太守建興中稍遷至監軍後將軍賜爵關內侯陰化見鄒芝傳廖淳見宗預傳

許昭

吳書孫破虜傳會稽妖賊許昌起於句章自稱陽明皇帝注靈帝紀曰昌以其父爲越王也頤煊案後漢書靈帝紀會稽人許生自稱越王寇郡縣注東觀記會稽許昭聚眾自稱大將軍立其父生爲越王攻破郡縣討逆傳注引吳錄亦作許昭是避晉諱改作昌

橫江

討逆傳繇遣樊能于麋陳橫屯江津張英屯當利口以拒述頤
煊案妃嬪徐夫人傳琨隨孫策討樊能于麋於橫江擊張英於
當利口吳夫人傳景與孫賁共討樊能于麋於橫江周瑜傳瑜
將兵迎策遂從攻橫江當利皆拔之程普傳隨孫策到橫江當
利破張英于麋等今本作陳橫屯江津是傳寫之誤

秦松

彭城張昭廣陵張紘秦松陳端等爲謀主顧煊案張紘傳初紘
同郡秦松字文表陳端字子正並與紘見待於孫策參與謀謨
各早卒周瑜傳注江表傳曰劉備之自京還也權乘飛雲大船
張昭秦松魯肅等十餘人共追送之時松尙存

呂範平鄱陽

吳主傳八年還過豫章使呂範平鄱陽會稽頤煊案呂範傳征江夏還平鄱陽策薨奔喪于吳後權復征江夏範與張昭留守與此不同

漢昌郡

十五年分長沙爲漢昌郡以魯肅爲太守顧煊案周瑜傳領南郡太守以下雋漢昌瀏陽州陵爲奉邑魯肅傳代瑜領兵奉邑四縣皆屬焉合程普領南郡太守肅拜漢昌太守魯肅卒呂蒙拜漢昌太守食下雋瀏陽漢昌州陵則四縣皆漢昌郡之屬縣也續漢志州陵屬南郡下雋屬長沙郡宋書州郡志長沙郡有瀏陽吳立吳昌後漢立曰漢昌吳更名皆長沙郡也

東安郡十縣

黃武五年分三郡惡地十縣置東安郡以全琮爲太守注吳錄曰郡治富春顧煊案三郡全琮傳作丹陽吳會稽宋書州郡志吳郡建德桐廬壽昌皆吳分富春立新城吳立爲縣後并桐廬太平寰宇記建德桐廬俱黃武四年分富春置黃武五年於富春縣置臨武縣又析富春置新城縣則東安郡十縣有建德桐廬壽昌臨武新城并富春而六也

始平省南字

黃龍三年會稽南始平言嘉禾生頤煊案宋書州郡志臨海郡始豐吳立曰始平晉武帝太康元年更名虞翻傳山陰丁覽注會稽典錄曰覽字孝連仕郡至功曹守始平長皆省南字

諸史考異卷一

羅陽縣

太元元年初臨海羅陽縣有神自稱王表注吳錄曰羅陽今安固縣頤煊案三嗣主傳太平二年三月以會稽東部爲臨海郡是時臨海尙未置郡二字是史家之駁文

豫章太守

劉繇傳遂泝江南保豫章駐彭澤笮融先至殺太守朱皓注獻帝春秋曰是歲繇屯彭澤又使融助皓討劉表所用太守諸葛玄頤煊案諸葛亮傳注獻帝春秋曰初豫章太守周術病卒劉表上諸葛玄爲豫章太守治南昌漢朝間術死遣朱皓代玄此所謂太守皆謂豫章太守

建昌六縣

太史慈傳孫策於是分海昏建昌左右六縣以慈爲建昌都尉治海昏頤煊案元和郡縣志新吳後漢靈帝中平中分海昏縣立宋書州郡志吳平望蔡永修皆漢靈帝中平中立疑卽此所分之六縣也

王誦

妃嬪吳夫人傳漢遣議郎王誦音普銜命南行表景爲揚武將軍頤煊案討逆傳注江表傳作王輔

臨淮郡

步夫人傳臨淮淮陰人也與丞相隲同族步隲傳臨淮淮陰人魯肅傳臨淮東城人頤煊案續漢志武帝置臨淮郡永平十五年更爲下邳國晉官志注獻帝起居注建安十八年省州并郡

徐州郡有下邳而無臨淮不知何時復置爲郡

京城

孫韶傳伯父河爲將軍屯京城頤煊案京城卽京口魯肅傳備
誦京見權求都督荊州張紘傳注獻帝春秋曰劉備至京謂孫
權曰吳去此數百里卽有警急赴救爲難將軍無意屯京平宋
書州郡志太興初晉陵郡及丹徒縣治京口是也

雲陽郡

顧邵傳陽羨張秉生於庶民雲陽殷禮起乎微賤邵皆拔而有
之秉雲陽太守禮零陵太守顧煊案吳主嘉禾三年詔復曲阿
爲雲陽當是改縣在前置郡在後

李崇

程秉傳時率更令河南徵崇亦篤學立行云注吳錄曰崇字子和治易春秋左氏傳兼善內術本姓李遭亂更姓初見太子登以疾賜不拜東宮官僚皆從諮詢太子數訪以異聞年七十而卒頤煊案吳主太元元年遣中書郎李崇齋輔國將軍羅陽王印綬迎表當是其人

西安縣

潘璋傳遼豫章西安長錢氏曰兩漢晉宋志豫章郡並無西安縣頤煊案太史慈傳劉表從子磐數爲寇於艾西安諸縣宋書州郡志豫章郡豫寧漢獻帝建安中立吳曰要安晉武帝太康元年更名要安卽西安之譌

遙領

朱治傳吳郡太守許貢拒之於由拳治與戰大破之遂入郡領太守事建安七年權表治爲九真太守顧煊案此遙領也是時權未得有九真治仍在吳郡故下文割婁由拳無錫毘陵爲奉邑黃武元年封毘陵侯領郡如故

東冶

虞翻傳孫策征會稽朗拒戰敗績亡走浮海翻追隨營護到東部侯官長閉城不受顧煊案王朗傳孫策渡江略地朗遂舉兵與策戰敗績浮海至東冶賀齊傳王朗奔東冶侯官長商升爲朗起兵東部當是東冶之譖

吾粲

吾粲傳吳郡烏程人也孫河爲縣長粲爲小吏河深奇之河後

爲將軍得自選長史表粲爲曲阿丞遷爲長史治有名迹雖起孤微與同郡陸遜卜靜等比肩齊聲矣顧煊案顧邵傳烏程吾粲起于微賤邵拔而友之爲立聲譽步隲傳潁川周昭著書稱吾粲由於牧豎豫章揚其善以並陸全之列皆與此異

孫權爲將軍

陸遜傳孫權爲將軍遜年二十一始仕幕府顧煊案遜以赤烏八年卒年六十三年二十一當建安八年是時孫權爲將軍已四年矣吳主傳是歲使韓當周泰呂蒙等爲廸縣令長遜出爲海昌屯田都尉并領縣事亦當即在此年

焱沛

注吳書曰當恐有顛沛交馳之憂顧煊案太平御覽卷三百三

十引作當恐有姦沛交馳之憂注云姦音標曹植七啟風厲姦舉姦與姦同何休公羊傳注沛焉者怒有餘之貌淺人不知姦沛之義妄改作顚沛

剡長

賀齊傳會稽山陰人也少爲郡吏守鄰長頤煊案鄰當作剡嘉泰會稽志賀齊字公苗爲剡長縣吏斯從爲姦立斬之字尙不誤

松陽長

合楊松長丁蕃畱備餘汗頤煊案當作松陽長晉書地理志松陽屬臨海郡三嗣主傳注搜神記曰臨海松陽人柳榮

臨川郡

周鮒傳負阻劫鈔豫章臨川並受其害頤煊案孫亮太平二年分豫章東部爲臨川郡是時未立爲郡而已有臨川之名朱然傳分丹陽爲臨川郡然爲太守與此別

反語

諸葛恪傳成子閭者反語石子岡也頤煊案顏氏家訓音辭篇孫叔然創爾雅音義是漢末人獨知反語至於魏世此事大行此稱反語石子岡亦大行之證

諸史考異卷一終

番禺黃濤初校南海潘乃成覆校

諸史考異卷二

臨海洪頤煊撰

晉書上

公孫淵

宣帝紀青龍四年遼東太守公孫文懿反頤煊案魏志作公孫淵史臣避唐諱因舉其字

武邱

嘉平三年凌計無所出乃迎於武邱面縛水次頤煊案魏志王凌傳凌自知勢窮乃乘船單出迎到邱頭凌面縛水次文帝紀甘露三年魏帝命改邱頭曰武邱以旌武功此時不得有武邱之名當依魏志作邱頭爲正

置平州

武帝紀泰始十年二月分幽州五郡置平州頤煊案地理志作咸嘉二年十月分昌黎遼東玄菟帶方樂浪等郡國五置平州伍延

太康元年二月杜預克江陵斬吳江陵督王延注一本王作圖
頤煊案吳志孫晧傳預又斬江陵督伍延杜預傳吳督將伍延
則作王字者誤也

楊珧

惠帝紀永平元年正月誅太傅楊駿駿弟衛將軍瑤頤煊案楊
駿傳瑤俱作珧藏官志亦作衛將軍楊珧說文瑤玉之美者珧
蜃甲也二字不同

昌安侯

四年春正月丁酉朔侍中太尉安昌公石鑒薨頤煊案石鑒傳
封昌安縣侯元康初爲太尉尋薨未嘗進爵爲公

李庠

永康元年十二月益州刺史趙廢與洛陽流人李庠害成都內
史耿勝頤煊案洛陽當作略陽李特載記耿勝作耿勝永康元
年詔徵益州刺史趙廢爲大長秋以成都內史耿勝代廢廢遂
謀叛勝率眾入州廢遣眾逆勝戰於西門勝敗死之特弟庠與
兄弟及妹夫李含等以四千騎歸廢廢以庠爲威寇將軍害耿
勝庠未預其事

東燕王

光熙元年九月進東瀛公騰爵爲東燕王永嘉元年三月改封東燕王虜爲新蔡王頤煊案地理志石季龍分兗州之陳留東燕爲洛州騰雖封東燕王郡旋沒於劉聰石勒故騰傳不載東燕封號毛穆之傳使穆之督東燕四郡軍事領東燕太守是桓溫平洛後復立

湘州八郡

懷帝紀永嘉元年八月分荊州江州八郡爲湘州錢氏曰地理志懷帝分長沙衡陽湘東零陵邵陵桂陽及廣州之始安始興臨賀九郡置湘州是九郡非八郡也頤煊案宋書州郡志湘州刺史晉懷帝永嘉元年分荊州之長沙衡陽湘東邵陵零陵營陽建昌江州之桂陽八郡立文與此同

簡以字行

三年三月戊申征南大將軍高密王簡薨頤煊案高密孝王略傳字元簡懷帝卽位遷使持節都督荊州諸軍事征南大將軍水嘉三年薨簡卽略也蓋以字行

四十八王

五年三月東海王越薨東海世子琨及宗室四十八王尋又沒於石勒頤煊案東海王越傳琨及宗室三十六王俱沒於賊魏書石勒傳作二十六王

晉王保

元帝紀太興三年五月晉王保爲其將張春所害頤煊案保傳張春奉保奔桑城是歲保病薨年二十七不言爲春所害

懷德縣

七月詔琅邪國人在此者近有千戶今立爲懷德縣統丹陽郡
顧煊案地理志丹陽郡無懷德縣徐州下云琅邪國人隨帝過
江者遂置懷德縣及琅邪郡以統之宋書州郡志晉亂琅邪國
人隨元帝過江千餘戶太興三年立懷德縣丹陽雖有琅邪相
而無此地蘇峻傳有懷德令匡術

安北將軍郗鑒

永昌元年七月王敦自加兗州刺史郗鑒爲安北將軍錢氏曰
按鑒非敦之黨且亦不可云自加也以敦傳攷之當是自領江
州牧與郗鑒事初不相涉蓋傳寫有脫文顧煊案郗鑒傳明帝
初卽位王敦專制內外危逼謀杖鑒爲外援由是拜安西將軍

當作安北兗州刺史都督揚州江西諸軍假節鎮合肥敦忌之表爲尚書令徵還錢氏之說非也

觀陽侯

成帝紀咸和元年七月江州刺史平南將軍觀陽伯應詹卒頤煊案應詹傳封觀陽縣侯以咸和六年卒

臨賀郡公

穆帝紀升平四年十一月封太尉桓溫爲南郡公子濟爲臨賀郡公頤煊案桓溫傳升平中改封南郡公降臨賀爲縣公以封其次子濟此仍稱臨賀郡公非也

義城郡

哀帝紀興寧三年二月以右將軍桓豁監荊州揚州之義城諸

軍事顧煊案簡文帝紀咸安元年十一月以冠軍將軍毛武生都督揚州之義城諸軍事宋書州郡志義成太守晉孝武立治襄陽永初郡國有下蔡平阿縣皆九江郡地故其初分屬於揚後則專屬於揚也宋志以爲孝武時立非是

海西公

海西公紀咸安二年正月降封帝爲海西縣公顧煊案簡文帝紀咸安元年十二月庚寅廢東海王奕爲海西公

謝安都督十五州

孝武帝紀太元九年九月加太保謝安大都督揚江荆司豫徐兗青冀幽并梁益雍涼十五州諸軍事顧煊案謝安傳十五州有寧無涼帝紀前後都督亦皆有寧無涼涼州已爲呂光所據

當以安傳所舉爲正

田次之

十年四月劉牢之與沛郡太守周次及垂戰於五橋澤頤煊案牢之傳作沛郡太守田次之

南蠻校尉

安帝紀隆安三年十二月桓元襲江陵荊州刺史殷仲堪南蠻校尉楊佺期並遇害頤煊案佺期傳時以佺期代郗恢爲都督梁雍秦三州諸軍事雍州刺史並不爲南蠻校尉爲南蠻校尉者桓偉也

辛昺

元興元年臨海太守辛景擊孫恩斬之頤煊案世說新語德行

篇注晉安帝紀孫恩攻沒郡縣後爲臨海太守辛昺斬首送之
今紀作辛景是史臣避唐諱改

周撫卒

天文志哀帝興寧二年六月鎮西將軍益州刺史周撫卒頤煊
案海西公紀在興寧三年

南沙

成帝咸和六年正月景辰月入南斗明年石勒眾又抄略南涉
海虞頤煊案成帝紀咸和七年三月勦將韓雍寇南沙及海虞
宋書州郡志南沙本吳郡司鹽都尉署咸康當作七年罷鹽署
立以爲南沙縣南涉是南沙之譌

新蔡王

懷帝永嘉元年五月汲桑殺東燕王騰遂據河北頃煊案懷帝紀永嘉元年五月汲桑反遂陷鄴城害新蔡王騰是年三月改封東燕王騰爲新蔡王志失於改正

東郡

地理志濮陽國故屬東郡晉初分東郡置頤煊案其時當有東郡杜預左氏隱五年注東郡燕縣定八年注東郡燕縣東北有瓦亭成十六年注東郡廩邱縣東有鄆城襄二十六年注東郡廩邱縣故城是成公綏傳東郡白馬人魏浚傳東郡東阿人郗隆傳補東郡太守宋書州郡志永初郡國兗州有東郡濮陽陳留三郡地理志有濮陽國而無東郡是史之脫

山莊縣

泰山郡山莊縣頤煊案漢書地理志續漢志說文解字皆作莊
縣晉改作山莊他如廣平郡涉縣卽魏郡沙縣琅邪國鄆縣卽
絳縣新泰縣故曰平陽省東字幽州北平郡省右字皆晉改不
必盡依漢志

襄城郡

襄城郡泰始二年置頤煊案宋書州郡志魏分潁川爲襄城郡
晉成帝咸康二年省襄城還併潁川不得云泰始二年置也

昌黎郡

昌黎郡漢屬遼東屬國都尉魏置郡頤煊案續漢志遼東屬國
無昌黎縣漢書地理志遼西郡交黎縣東部都尉治應劭曰今
昌黎慕容廆載記昌黎棘城鮮卑人也地理志昌黎郡無棘城

縣

秦州

太康三年罷秦州并雍州七年復立頤煊案七年上脫元康二字見宋書州郡志

汝江縣

汝山郡汝山縣頤煊案上文靈帝又以汝江蠶陵廣柔三縣立汝山郡今縣亦作汝山蓋涉郡名而譌漢書地理志汝江蠶陵廣柔三縣皆屬蜀郡續漢志作汝江道

北海郡

齊國秦置漢以爲國景帝以爲北海郡頤煊案此文有脫誤漢書地理志齊郡秦置北海郡景帝中二年置非以齊郡爲北海

也杜預左氏莊元年注北海都昌縣有些城襄六年注北海卽墨縣有棠鄉襄四年注北海平壽縣東有寒亭又云北海平壽縣東南有斟亭王浚傳北海太守劉搏晉初本有北海郡而志失之

濟嶧郡

濟南郡漢置或云魏平蜀徙其豪將家於濟河北故改爲濟岷郡而太康地理志無此郡名未之詳顧煊案成帝紀咸和元年十二月濟嶧太守劉閭殺下邳內史夏侯嘉叛降后勒宋書州郡志濟岷郡江左立領營城晉寧二縣又云濟岷郡安帝義熙中土斷并濟南郡

東南一尉

秦始皇遂定南越以爲桂林南海象等三郡非三十六郡之限
乃置南海尉以典之所謂東南一尉也顧煊案漢書楊雄傳東
南一尉孟康曰會稽東部都尉也與此異

三字衍

律厰志漢章帝元和元年故待詔嚴嵩具以準法教子男宣詔
嵩子不得依託父學能知命十二律其二中不失一乃爲能傳
顧煊案續漢志作嚴崇能知命十二律不失一宋書律志同俱
無其二中三字當是涉下文而衍

魏元帝

禮志魏元帝咸熙二年十二月甲子禪位於晉顧煊案魏志陳
留王紀注魏世譜曰封帝爲陳留王年五十八太安元年崩謚

曰元皇帝惠帝紀太安元年不書陳留王奐薨亦史之闕周忌錯誤

康帝建元元年正月晦成恭杜皇后周忌有司奏至尊期年應改服詔曰君親名教之重也權制出於近耳於是素服如舊頤煊案成帝紀咸康七年三月戊戌杜皇后崩則周忌當在咸康八年三月康帝紀建安元年六月有司奏成帝崩一周請改素服詔曰君親相準名教之重權制之作蓋出近代雖曰適事實弊薄之始義弗可矣志以成帝周忌爲杜皇后周忌又錯舉其月其誤甚矣

納后儀

升平八年臺符問迎皇后大駕應作鼓吹不願煊案穆帝立皇

后何氏在升平元年八月升平止五年無八年下文永和二年納后議賀不永和二年穆帝四歲無納后之文

召試博士

職官志國子博士皆取履行清濬通明典義者若散騎常侍中書侍郎太子中庶子以上乃得召試顧煊案散騎常侍中書侍郎太子中庶子三官並不召試博士若下十六字未知何處文錯附在此

河隄謁者

武帝省水衡置都水使者一人以河隄謁者爲都水官屬顧煊案宋書百官志晉西朝有參軍而無謁者謁者則江左置也

襄陽火

五行志懷帝永嘉四年十一月襄陽火燒死者三千餘人頤煊
案懷帝紀四年十一月襄陽大疫死者三千餘人

永昌無二年

元帝永昌二年大將軍王敦下據姑孰頤煊案明帝紀永昌元
年閏月己丑元帝崩庚寅太子即皇帝位大赦明年爲太寧元
年不得稱元帝永昌二年又云永昌二年七月庚子朔雷震太
極殿柱明帝紀作太寧元年七月景子朔震太極殿柱

鄭氏律章句

刑法志漢承秦制蕭何定律叔孫宣郭公卿馬融鄭玄諸儒章
句十有餘家家數十萬言覽者益難天子於是下詔但用鄭氏
章句不得雜用餘家頤煊案漢書諸侯王表張晏曰律鄭氏說

封諸侯過限曰附並當是律章句之文

何侯致敬

王祥傳及武帝爲晉王祥與荀顥往謁顥謂祥曰相王尊重何侯旣已致敬今便曲拜也顧煊案何曾傳文帝爲晉王曾與高柔鄭沖俱爲三公將入見曾獨致拜盡敬與此不同

舞陽侯

裴秀傳初文帝未立嗣而屬意舞陽侯攸顧煊案賈充傳亦作舞陽侯攸齊王攸傳作武陽侯

殺字

衛恒傳杜氏殺字甚安而書體微瘦顧煊案殺讀如說文殺斬字通用說文訓爲斬南齊書周顥傳少從外氏得衛恒散隸書

法學之甚工卽此證三國志劉劭傳注引作然傳寫之譌

壯武郡

張華傳進封壯武郡公初華所封壯武郡有桑化爲柏識者以爲不詳願追案地理志壯武縣屬城陽郡不言置壯武郡

劉柏根

高密孝王略傳永興初幢令劉根起兵東萊攻略於臨淄不能拒走保聊城願追案惠帝紀作光熙元年三月東萊幢令劉柏根反自稱幢公襲臨淄高密王簡奔聊城簡卽略字王彌傳亦作劉伯根

梁王彤薨

梁孝王彤傳永康二年薨願追案惠帝紀太安元年五月乙酉

太宰領司徒梁王彤薨是年十二月大赦改元五月先是永寧二年永康當是永寧之謠

荀勗荀顥不同

荀勗傳帝素知太子間弱恐後亂國遣勗及和嶠往觀之勗還盛稱太子之德而嶠云太子如初頤煊案和嶠傳後與荀顥荀勗同侍帝曰太子近入朝差長進卿可俱詣之旣奉詔還勗顥並稱太子明識宏雅誠如明詔嶠曰聖質如初帝不悅而起魏志荀或傳注引于賓晉紀武帝使侍中荀顥和嶠俱至東宮觀察太子孫盛曰遺荀勗其語並同

王讚

賈充傳朝廷議立晉書限斷中書監荀勗謂宜以魏正始起年

著作郎王瓚欲引嘉平以下朝臣盡入晉史頤煊案漢書音義稱臣瓚者莫知姓氏史記索隱劉孝標以爲干瓚據何法盛晉書干瓚以穆帝時爲大將軍誅死不言注漢書干瓚當卽此王瓚之譌干王字形相近

干瓚見庾翼傳

黃沙獄

高光傳是時武帝置長沙獄以典詔囚以光歷世明法用爲長沙御史注云長沙一作黃沙頤煊案武帝紀太康五年六月初置黃沙獄職官志泰始四年置黃沙獄治書御史一人

諸史考異卷二終

番禺黃濤初校南海潘乃成覆校

諸史考異卷三

臨海洪頤煊撰

晉書下

駙馬

盧欽傳武帝受禪以爲都督河北諸軍事假節給第二駙馬二乘頤煊案杜預傳拜鎮南大將軍都督荊州諸軍事給追鋒車第二駙馬賈充傳其以充爲使持節都督秦涼二州諸軍事給第一駙馬輿服志職官志俱不載駙馬之制

並陷石氏

盧諶傳諶名家子值中原喪亂與清河崔悅潁州苟綽河東裴憲北地傅暢並淪陷非所雖俱顯于石氏恆以爲辱頤煊案劉

羣傳時勒及季龍得公卿人士多殺之其見擢用終至大官者唯有河東裴憲渤海石璞滎陽鄭系潁川荀綽北地傅暢及羣悅謙等十餘人而已石崇傳苞曾孫樸字元真爲人謹厚無他材藝沒於胡后勒以與樸同姓俱出河北引樸爲宗室特加優寵位至司徒

王渾

何攀傳詔攀參濬軍事及孫皓降于濬而王渾恚於後機欲攻濬攀勸濬送皓與渾由是事解頤煊案王渾傳唯言渾甚媿恨有不平之色頗奏濬罪狀時人議之王濬傳亦不言送皓與渾此傳失之

靈州

傳祇傳以討楊駿勳封靈川縣公頤煊案靈川當作靈州宋書
傅弘之傳高祖祇封靈州公晉武帝太康三年復立靈州縣地
理志不載

汲冢竹書

東晉傳初太康二年汲郡人不準盜發魏襄王墓或言安釐王
冢得竹書數十車大凡七十五篇頤煊案傳中所記有七十六
篇又律厤志汲郡盜發六國時魏襄王冢得古周時玉律及鍾
磬傳亦不載

阮紳

阮紳傳弱冠有殊操爲嵇康所重康著養生論所稱阮生卽阮
紳也頤煊案隋書經籍志梁有養生論三卷嵇康撰今嵇康集

中有養生論一首向子期難養生論一首答難養生論一首卽隋志所稱三卷其末卷李少君識桓公玉枕則阮生謂之逢占阮生卽阮稚

廣城君

潘岳傳與石崇等詔事賈謐每候其出與崇輒望塵而拜頤煊案石崇傳與潘岳詔事賈謐謐與之親善廣城君每出崇降車路左望塵而拜廣城君者謐之母也

任銳

羅憲傳尙乃使兵曹從事任銳僞降斬李特傳首洛陽頤煊案李特載記作任明

滕脩

滕脩傳仕吳爲將帥孫皓時爲廣州刺史徵爲執金吾頤煊案
孫皓傳作滕循

西豫州

趙誘傳南頓王宗反肅殺宗轉冠軍將軍遷西豫州刺史卒於官頤煊案西豫州之名不見於地理志宋書後廢帝紀泰豫元年割南豫州南汝陰郡屬西豫州西豫州廬江郡屬豫州當作南豫
州西豫卽豫州其名已見於此

陳睂

周馥傳李睂上官巳等奉清河王覃爲太子頤煊案惠帝紀永興元年七月右衛將軍陳睂因勒兵討成都王穎成都王穎傳永興初左衛將軍陳睂及長沙故將上官巳等奉大駕討穎傳

一本作李眇者非也

劉聰未死

李矩傳劉聰遣其太子粲率劉雅生等攻趙因矩遣郭誦張皮夜渡河攻粲眾驚擾奔潰聰因憤恚發病而死頤煊案劉聰載記聰聞粲敗使太尉范隆赴之聰所居螽斯則百室災焚其子會稽王衷以下二十有一人聰聞之自投於牀哀塞氣絕良久乃蘇矩因此附會以爲夸大之詞非實錄也

杜尹

魏該傳時杜預子尹爲弘農太守屯宜陽界該遣其將馬瞻將五百人赴尹瞻夜襲尹殺之頤煊案杜預傳不言有子尹爲弘農太守爲魏該所殺新唐書世系表襄陽杜氏出自當陽侯預

少子尹字世甫晉弘農太守

歸鄉縣

劉弘傳弘都督荊州諸軍事以仇初爲歸鄉令頤煊案地理志
荊州無歸鄉縣宋書州郡志建平郡有歸鄉縣何志云吳分秭
歸立

成武侯

周顥傳字伯仁安東將軍浚之子也弱冠襲父爵武城侯頤煊
案周浚傳作成武侯

郭璞識文

郭璞傳初庾翼幼時令璞筮公家卦成曰建元之末邱山傾及
康帝卽位將改元爲建元或謂庾冰日子忘郭生之言邪邱山

上名此號不宜用顧煊案康帝紀改元曰建元或謂冰曰郭璞
識云立始之際邱山傾立者建也始者元也邱山諱也冰巋然
所記識文與此少異

吳國內史

庾冰傳出補吳興內史會蘇峻作逆遣兵攻冰冰不能禦便棄
郡奔會稽顧煊案吳興當作吳國王舒傳時吳國內史庾冰棄
郡奔舒顧眾傳時吳國內史庾冰奔於會稽皆可證

西陵

荀崧傳鎮宛改封曲陵公地理志江夏郡有曲陵縣顧煊案漢
書地理志續漢志宋書州郡志江夏郡皆作西陵縣此傳及志
曲陵皆當是西陵之譌

同名改選

王舒傳父會王導欲出舒爲外援乃授會稽內史舒上疏辭以父名朝議以字同音異於禮無嫌舒復陳音雖異而字同求換他郡於是改會爲鄧舒不得已而行頤煊案江統傳故事父祖與官職同名皆得改選唐律疏議諸府號官稱犯祖父名而冒榮居之者徒一年

版授

顧眾傳虞潭檄眾爲五郡大督護統諸義軍眾守紫壁臨平人范明亦謂眾曰此地險要可以制寇不可委也眾乃版明爲參軍頤煊案桓彝傳元帝爲安東將軍版行遼西令文選陸機表張含齊版詔書印綬假臣爲平原內史李善注凡王封拜謂之

版官然則在軍中者凡督護統軍皆得版授也

新城三郡

褚翼傳率邑人三千督新城梁陽城三郡諸營事頤煊案地理志新城梁陽城三縣皆屬司州河南郡不言三縣置爲郡

勸學篇

蔡謨傳謨初渡江見彭蜞大喜曰蟹有八足加以二螯令烹之既食吐下委頓方知非蟹後詣謝尚而說之尚曰卿真爾雅不熟幾爲勤學死頤煊案世說新語紀漏篇作幾爲勤學死劉孝标注云大戴禮勸學篇蟹二螯八足非蛇蟮之穴無所寄託者用心躁也故蔡邕勸學章取義焉此作勤學是淺人所改

濟陽太守

謝玄傳濟陽太守郭滿據滑臺頤煊案地理志無濟陽郡宋書州郡志濟陽太守晉惠分陳留爲濟陽國卽此郡也蔡謨傳陳留考城人其子宋書蔡廓傳濟陽考城人是陳留後分爲濟陽之證

鹽州四郡

王遜傳乃以遜爲南夷校尉鹽州刺史遜以地勢形便上分牂柯爲平夷郡分朱提爲南廣郡分建寧爲夜郎郡分永昌爲梁水郡頤煊案地理志永嘉二年分牂柯立平夷夜郎二郡不言南廣梁水宋書州郡志南廣太守晉武帝分朱提立梁水太守晉成帝分興古立皆與傳異州郡志有西平太守永嘉五年鹽州刺史王遜分興古之東立東河陽太守永嘉五年鹽州刺史

王遜分永昌雲南立傳亦不載

葬洛陽

陳壽傳以母憂去職母遺言令葬洛陽壽遵其志又坐不以母歸葬竟被貶議頤煊案以此爲貶議近於苛矣壽病卒詔下河南尹洛陽令就家寫其書壽當卽家於洛陽

召撰晉史

王隱傳太興初典章稍備乃召隱及郭璞俱爲著作郎令撰晉史頤煊案郭璞傳璞作江賦其辭甚偉後復作南郊賦帝見而嘉之以爲著作佐郎不言召撰晉史

炎興

荀鑿齒傳鑿齒在郡著漢晉春秋魏武雖受漢禪晉尙爲篡逆

至文帝平蜀乃爲漢亡而晉始興焉引世祖諱炎興而爲禪受
明天心不可以勢力強也頤煊案武帝紀諱炎字安世魏志陳
留王紀以中撫軍司馬炎爲撫軍大將軍皆無興字

楊亮

楊佺期傳父亮少仕偽朝後歸國終於梁州刺史以貞幹知名
頤煊案苻堅載記晉梁州刺史楊亮遣子廣襲仇池與堅將楊
安戰廣敗績卽其人

王弘

劉毅傳劉裕自率眾討毅命王弘王鎮惡刺恩等率軍至豫章
頤煊案宋書高祖紀義熙八年九月公自表討毅壬午發自京
師遣參軍王鎮惡龍驤將軍刺恩前襲江陵不言有王弘王鎮

惡及弘本傳俱不言弘預斯役

隴西太守韓稚

張軌傳永嘉初會東羌校尉韓稚殺秦州刺史張輔頤煊案惠帝紀作永寧二年六月隴西太守韓稚攻秦州刺史張輔殺之

晉興郡

張重華傳麻秋進攻枹罕晉陽太守郎坦以城大難守守棄外城頤煊案地理志永寧中張軌分西平界置晉興郡統晉興枹罕永固大夏遂興等縣晉陽當是晉興之譌

涼州置郡

李嵩傳晉興太守氾德瑜爲寧遠將軍西都太守張靖爲折衝將軍河湟太守索訓爲威遠將軍西平太守趙閭爲驛馬護軍

大夏太守索慈爲廣武太守陰亮爲西安太守令狐赫爲武威
太守索術爲武興太守顧煊案地理志武威西平武興晉興廣
武皆舊郡西都河湟駐馬大夏皆縣名後升爲郡下文分中州
人五千戶置廣夏郡廣夏卽大夏當避隋諱改

華縣

顏含傳琅邪莘人也顧煊案地理志琅邪無莘縣當是華縣之
譌

雍州十一郡

杜軫傳又除池陽令爲雍州十一郡最顧煊案地理志雍州七
郡獻帝時涼州數有亂河西五郡去州隔遠於是乃別以爲雍
州其云十一郡者始平郡泰始三年置恐其時未在數中也

平昌郡

伏滔傳平昌安邱人願煊案地理志惠帝元康十年又置平昌郡安邱本屬東莞郡後分屬高密國與此不同

堂邑令

戴洋傳時陳敏爲右將軍堂邑令孫混見而羨之洋曰敏當作賊族滅何足願也未幾敏果反而誅焉願煊案惠帝紀永興二年十二月右將軍陳敏舉兵反地理志元康七年以堂邑置堂邑郡是時不得有堂邑令

襄城太守石覽

荀崧小女灌傳崧爲襄城太守爲杜曾所圍力弱食盡欲求救於故吏平南將軍石覽願煊案荀崧傳族父藩承制以崧監江

北軍事假節襄陽太守遷都督荊州江北諸軍事平南將軍鎮宛爲賊杜曾所圍石覽時爲襄城太守崧力弱食盡使其小女灌求救於覽傳作崧爲襄城太守覽爲平南將軍誤

孟昶妻

孟昶妻周氏傳頤煊案孟昶與宋武帝同起義其妻同謀造宋其人當附入宋不當入晉

冠軍城

桓玄傳仲堪出奔鄧城聞佺期死乃將數百人奔姚興至冠軍城爲馮該所得玄令害之頤煊案殷仲堪傳仲堪出奔鄧城爲玄追兵所獲逼令自殺死於柞溪

武寧綏安二郡

移沮漳蠻二千戶于江南立武寧郡更招集流人立綏安郡頤
煊案地理志桓溫又分南郡立武寧郡地理志無綏安郡何無
忌傳義熙二年遷都督江荆二州八郡軍事有綏安郡當卽玄
所立也

司馬陶侃

張昌傳詔以盜朔將軍領南蠻校尉劉弘鎮宛弘遣司馬陶侃
參軍蒯桓皮初等率眾討昌頤煊案劉弘傳弘遣南蠻長史陶
侃爲大都護參軍蒯桓爲義軍都護牙門將皮初爲都戰帥累
戰破昌陶侃傳亦云劉弘辟侃爲南蠻長史討賊張昌破之職
官志領軍護軍屬官有長史司馬功曹主簿江左罷長史司馬
卽長史也

宣陽門戰

劉元海載記聰進屯宣陽門令其將劉厲呼延朗等督畱軍東
海王越命參軍孫詢將軍邱光樞袁等率帳下勁卒三千自宣
陽門擊朗斬之元海召聰等還師頤煊案懷帝紀永嘉三年九
月東海王越入保京城聰至西明門越禦之戰於宣陽門外大
破之東海王越傳不載此事

姬澹

劉聰載記猗盧遣子日利孫賓六須及將軍衛雄姬澹等率眾
數萬攻晉陽琨收散卒千餘爲之鄉導猗盧率眾六萬至於狼
孟頤煊案姬澹劉琨傳作箕澹狼猛地理志作狼孟衛雄姬澹

俱見魏書衛操傳

兗州刺史

石勒載記陽平人公師藩等自稱將軍勒與汲桑從攻平昌公模於鄴濮陽太守苟晞討藩斬之頤煊案模傳公師藩等攻鄴范陽王越又遣兗州刺史苟晞援之藩等散走苟晞傳亦作兗州刺史

長樂郡

使長樂太守程遐屯於昌亭頤煊案魏書地形志長樂郡漢置信都郡安帝改曰安平晉改長樂地理志有安平國而無長樂郡蔡豹傳豹歷長樂清河太守避亂南渡元帝以爲振武將軍則郡亦西晉所改

劉隗授官不同

晉鎮北將軍劉隗降於勒拜鎮南將軍封列侯頤煊案劉隗傳
隗據妻子及親信二百餘人奔於石勒勒以爲從事中郎太子
太傅率軍六十一

大夏武始二郡

苻堅載記羌斂岐叛堅自稱益州刺史西依張天錫叛將李儼
張天錫率步騎三萬擊李儼攻其大夏武始二郡天錫將掌據
又敗儼諸軍於葵谷頤煊案張天錫傳斂岐作廉岐掌據作常
據地理志張駿又以狄道縣立武始郡大夏已見前

卽邱縣公

姚襄載記晉遣使拜襄持節平北將軍并州刺史卽邱縣公頤
煊案穆帝紀永和七年十一月以襄爲平北將軍都督并州諸

軍事并州刺史平鄉縣公

載事重出

李雄載記張駿又遣治中從事張湻稱藩於蜀託以假道雄大悅謂湻曰貴主英名蓋世土險兵強云云頤煊案此段張駿傳已載之此爲重出

高昌郡

呂光載記苻堅高昌太守楊翰說其涼州刺史梁熙拒守高桐伊吾二關熙不從光至高昌翰以郡迎降頤煊案地理志宋書州郡志皆無高昌郡苻堅載記徙東海公陽於高昌郡當是苻堅所立

嶺西諸郡

魏安人焦松等起兵數千迎大豫於揖次陷昌松郡大豫乃遣王穆求救於嶺西諸郡建康太守李陽祁連都尉嚴純起兵應之又沮渠蒙遜叛攻光陷臨松郡顧煊案揖次續漢志作揖次地理志呂光都於姑臧改昌松爲東張掖郡其餘建康郡祁連郡臨松郡皆張氏置

十二郡

乞伏國仁載記置武城武陽安固武始漢陽天水略陽澠川甘松匡朋白馬苑川十二郡顧煊案地理志張駿分武始武城爲河州張駿傳駿因長安亂復收河南地置武衛石門候河澠川甘松五屯護軍據此則澠川甘松皆郡也錢氏未舉

武興四郡

禿髮傉檀載記禿檀僞游澆河徙西平湟河諸羌三萬餘戶于
武興番禾武威昌松四郡頤煊案地理志永寧中張軌於姑臧
西北置武興郡番禾縣名至此立爲郡東張掖仍復爲昌松郡
禿髮烏孤載記降光樂湟河澆河三郡則澆河湟河亦郡名

涼寧郡

沮渠蒙遜載記酒泉涼寧二郡叛降李玄盛頤煊案李曄傳分
敦煌之涼興烏澤晉昌之宜禾三縣爲涼興郡此作涼寧因避
姚興而改

諸史考異卷三終

增補沈寶樞初校陳慶修覆校